



### Von Reinicken Fuchs

Wer jezundt durch die Welt wil fahren/  
 Der kan sich nicht so wol bewahren/  
 Daßer so ganz leb ohne Sünd/  
 Wenn Lamp jezundt hie für euch stündt/  
 Vnd wer so feißt vnd lustig gar/  
 Hüpfet vnd spräng fast her vnd dar/  
 Warlich die lieb gewünn ein endt/  
 Ihr schnappet selbs nach jm behendt.  
 Das gewissen würd ihm noch zuweit/  
 Es ist traum ein selzame zeit/  
 Ihr sehet daß vnter diesen personen/  
 Die aller Sünden solten schonen/  
 Als Geistlichen zu dieser frist/  
 Groß vnrecht vnd groß laster ist.  
 Geiz/hassz/vnd neidt/groß hurerey/  
 Verachtung ihres ampts dabey.  
 So sehet ihr wie es zu Hof zugeht/  
 Vnd wie es mit dem König steht/  
 Er nimpt auch was jm werden mag/  
 Vnd treibt viel vnrechts alle tag/  
 Wer jm nur bringt vnd schencken kan/  
 Der ist der allerbeste Mann/  
 Ist er denn schon der gröst Bößwicht/  
 Durch den viel arges oft geschicht/  
 So thut man durch die finger sehen/  
 Gehet lieber Ohem/wer kan bestehen?  
 Damit wirdt einer auch verführt/  
 Wenn er bey solchen Leuten spürt/  
 Daß sie selber damit vmbgehn/  
 Wiewol man nicht darauff solt sehn/  
 Sonder dem guten folgen thun/  
 Ja lieber Ohem/ wo ist er nun?  
 Aber ich wil michs vnterwinden/

255

253

259

249

264

244

304

204

354

154

Ende

Anfang